



Iloilōga o te hihitemi fakatupega mō te kehekehega o nā totogi i nā tautuaga tau ākoakoga kua laihenegia ma nā tautuaga tau ākoakoga kāmata e mautū i nā fale – Kotokotoga o te Pepa Galue (Consultation).

## Fakatomuaga

Ko te Matēke e tatalatalanoa agai ki he fakatū ke fehoahoani ai ke fakatino lelei te totogi tutuha o faiākoga pāahi i loto o nā ākoakoga ma nā tautuaga ma te taukilaga lelei o tamaiti (e aofia ai nā tautuaga e mautū i nā falemai venā ma nā tautuaga tau ākoakoga faka vaitaimi) ma o lātou pāga i loto o na ākoga kāmata. Ko te tahi vāega o te fakatu e kava ai foki te tau o nā coordinators mō na tautuaga mautu i nā fale.

I lalo o te hihitemi fakatupega e iei nei, ko nā fakatupega fakaopoopo mō nā tautuaga tau ākoakoga e kehekehe fuafua ki te au ai o te tamaiti ki te aoga pe heai, ma ko te fuainumela o faiākoga pāhi e fuafua ki te fuainumela o tamaiti ākoga e auai ki te ākoga. Mulinei, ko nā tautuaga kehekehe tau ākoakoga kua filifili e ki lātou ni vāega e hili atu te maualuga o te rate ote totogi kafai e ki lātou fakamaonia ko a lātou faiākoga e patino lava o lātou rate totogi fuafua ki a lātou tautuaga tau ākoakoga kāmata, Takitaki Faiākoga pe he Puleākoga, ma te Taki Fakamua mō te Maliliega a nā Faiākoga Hinia (KTCA).

Ko te hihiteni i te vaitau nei e iei he fakatapulā ki te fakatinoga lelei o nā taumafaiga ke totogi tutuha ia faiākoga. E mafua tēnei vāega ona ai ko te "lahiga" o te fakatupega o nā itula mahani e hē tautali ki nā huiga i nā totogi o faiākoga i ni tautuaga tautokatahi. Ko to na uiga e iei ni tautuaga e lahi atu te lātou fakatupega e maua mō na manakoga ke fakatutuha ai nā totogi ki he vāega kua fakatagagia eo lātou totogi ke maua, kae ko iētahi e fakalofa.

## Te Iloilōga o te Fakatupega mō te fakatutuha o nā totogi

### Ko te Kautū ma te Kikilaga o te Iloilōga

Ko te Minihita o Ākoakoga muamua na ia fakatonua te Matēke o Ākoakoga ke fakatino he iloilōga o nā fakatupega ke *fakailoga ma fakatino he metotia manaia ke fakalelei atili ai te fakalaina tutuha o nā fakaupega mō nā tautuaga tau ākoakoga mā te fakaleleiga atili o nā ākoakoga kāmata kui i nā totogi o a lātou faiākoga pāhi*.

Ko te fakamoemoega o tēnei iloilōga e kava uma ai nā ākoakoga ma nā tautuaga tau ākoakoga e fakamautū i nā fale.

### Ni vāega e hē hula o te Iloilōga


Ko te Iloilōga e mātau e ia nā vāega uma i loto o te hihitemi fakatupega kātoa a te āoga kāmata. Ko ni fakatakitakiga o nā taki kautū iēnei ko nā: tau o te ākoga kāmata e inati-tutuha (shared) ai nā mātua ma te mālo. nā fehokotakiga tau fakatupega ki te fika (ratio) kua fakatulāfonogia, ko te fakatupega e fakavae mai nā itula e auai ai te tamaiti, ma ko nā fakatapulā mō te fakatupega o nā itula taki-vaiaho ma taki-aho iēnei e tāmau.

Ko te hetiga patino o te fakatutuhaga o na totogi kua mafua ai foki te iei o te fakatū tēnei. Ko nā vāega iēnei e iei ai te: vaevaega o nā fakatupega ke kava ai nā tupe fehoahoani (ECE Subsidy and 20 Hours Subsidy) fakaopoopo e iei, e venā ona iei ai ma nā tupe fehoahoani fakaopoopo ite lumanaki e ono maua ke fakamaliegia ai te fakatutuhaga o te va o nā kehekehega i nā totogi ma ko nā rates e totogi ai ke apalai ki nā itula uma e galulue ai ia faiākoga, kae hē na ko nā itula e fakatupe e te mālo.

## Te Fakatu – Tautuaga tau Ākoakoga ma te Taukikila Leieiga o nā Āakoakoga.

Ko te fakatū e aofia ai te fakafouga o nā vāega tau heleni fehoahoani fakaopoopo e lua kua fakatātia mō nā tautuaga tau ākoakoga mā te taukikilaga lelei (the ECE Funding Subsidy and 20 Hours ECE subsidy) ma ni tahi hene fehoahaoni fakaopoopo e lua.

1. Ko he **Totogi Fakaopoopo Fehoahoani mō Faiākoga** (TSS): he tupe fehoahoani fakaopoopo lauaitele fua ki he fakamanuia o faiākoga pāhi tūmau (FTTEs) e foki ki nā tautuaga taki tahi ma te totogi mahani o faiākoga i nā tautuaga taki tahi. Ko te fakatupega fakaopopo e mafai oi oti ke fakafano mō nā totogi o faiākoga.
  2. Ko te **Fakatupega Fehoahoani Fakaopoopo** (OS): ko he fakatupega fakaopoopo e totogi ite rate fuafua ki na tamaiti tautokatahi i te itula.



## Vāega 1: Fuafuaga o te FTTE fakamanuiaga mō te Fakatupega o nā totogi fakaopoopo o Faiākoga (pe ‘tokafia ia faiākoga e aofia ai’)

Ko te hitepu muamua ke fakamautinoa ai ko te TSS mo nā tautuaga tautokatahi ko te fakamatea te fakamanuiaga a faiākoga pāhi FTTE. E fakatu atu e mātou ko tēnei fakamanuiaga ke fuafua mō na tautuaga tautokatahi fuafua ki te:

1. **Matematega ote FCH:** Ko te numela maemate o nā itula galue ma tamaiti (FCHs) i loto o he piliota fakatupega i te fa mahina.
  2. **Fuafuaga ote Fakamanuiaga:** Ko he fuainumela tūmau o tamaiti ākoga ki he faiākoga pāhi fokotahi i he piliota (point in time). Ko te lelei atili o te Fuafuaga ote Fakamanuiaga, ko te lahi foki ia o faiākoga e aofia i te fakamanuiaga tau FTTE fakatuha foki lava ki te numela o nā itula FCHs. Ko te hetiga la o he ratio mahani mo te tautuaga a te TSS e fakatinoa tutuha lava.

**Ko ni levolo fakatakitaki ke heti ai kiei te Fauafuaga ote  
Fakamanuiaga (Entitlement Ratio)**

E mātau e mātou ko te fuafuaga (ratio) e mafai ke heti kui atu he tahi o **vāega e lua**. E kāmata nā fakamoemoega iēnei i nā vāega kua uma te fakatulāfonogia ve ki te fuafuaga (ratio) tau te tino matua-ki-te-tamaiti e ve ko he koga-kimata (sdstarting point) kae ke apalai oi oti ki nā faijākoga pāhi kae hē ko nā tino matutua.

**Vāega A:** he taki (approach) ki nā ‘vāega kua fakatulāfonogia’ e fakafetaui ai nā livi iē kua fakatulāfonogia ma nā mālologa e manakomia mō nā FTTE tautokatahi. E ono maua mai ai he fuafuaga (ratio) e tuha ma te 1.232 tino matua ki te 5 pe ko te 10 tamaiti (e fua lava ki nā tauhaga o te kulupu pe ei lalo ifo ma te 2 tauhaga / ova

Kikilaga A: Kāmata nā mālologa i nā aho takitahi & fano kehe kae opotia	
Nā tauhaga I lalo o te 2 tauhaga	2 tauhaga ma ova
 1.232 :5	 1.232 :10

**Vāega B:** he fuafuaga (ratio) e lahi atu ite 1.232 tino matua ki te fuainumela lava te o tamaiti kua tākua. Ko tēnei vāega e kāmata ai te kikila totoka ki nā afainaga o nā filifiliga fakailogatino (fkt., na itula e fakatino ai nā galuega ma te ova o te fakavahegaga o nā tino fakatino te galuega ke fakamaliegia ai nā vāega tau fuafuaga (ratio) kua fakatulāfonigia).

Ko nā tahi fakamatalaga agai ki iēnei fakatū ei loto o te pepa kātoa mō na fakatalatalanoaga.

## Elemeni 2: Fuafuaga (calculate) ote fakatupega ki te taukilaga (Calculating management funding) mō te Fakatupega Fakaopoopo mō nā totogi o Faiākoga

Ko nā avanoa iēnei mō nā tino faigaluega e maua mai i nā taki(rate) mō nā totogi tutuha nae fakatātia. Ko nā vāega iēnei e kautū mai i nā avanoa faigaluega mō te KTCA ‘K2-K4’

- K2 - e fakafaigaluega ke taukilila e ia he tautuaga, ma ko ia e hē he tino faigaluega ite K3 pe ko te K4ve ko he, pulefakahoa ite tautuaga tau ākoakoga tenā).
- K3 - e fakafaigaluega ke taukave e ia nā tiute ki te taukilaga o te kaufaigaluega ma te hapoti e ki lātou manakomia, ke takitaki lelei te kaufaigaluega ma kikila totoka ki nā vāega uma e fakatele ai tenā tautuaga i aho taki tahi. E ia te ia te tiute ki te taukilaga o ki lātou iē e faigaluega i lalo o te K2.
- K4 - e taukave e lātou te tiute ke taukilila ai ki lātou iē e faigaluega i lalo o te K3.

Te fakatu e aofia ai nā vāega e lua mō te fakatupega ke taukilila lelei ai nā tino faigaluega ma ki lātou e takitaki:

**Vāega A:** **Ko te filifiliga K2-K4**. I loto o tēnei filifiliga. ko nā ākoakoga ma nā tautuaga tau ākoakoga e fakamatea e lātou nā faiākoga pāhi ke fakatino nā tiute o nā takitaki i loto o nā hitepu K2, K3, ma te K4 e tākua i loto o te KTCA. E ieia te taukilaga mō nā fakamanuiaga tau FTTE ke fuafuagia ai pe tatau ke tokafia ia FTTE kua fakatupea mō nā avanoa takitahi kui atu ite fakaogaga o te taki fuafua patino (management ratio).

### Ko te hetiga o te taki fuafua patino

Ko te fuafuaga o te fakamanuiaga patino tēnei i te Vāega A e mafai ke heti atu i te ata i lalo. Ko he koga e fakatupe ai he tamaiti ko he vāega fou ia ke taki ai nā fakatupega ke fehoahoni ki te fuafuaga fou tēnei e fakauiga ve ko te 75,000 o itula e feagai ai ma tamaiti e fakatupe ai ite tauhaga. Ko nā tautuaga oi oti ie e ova ake ite fokotahi o ana tautuaga e mafai ke maua e ia nā fakamanuiaga mō te fakatupega i te K3 ma te K4.

Te taukilaga o nā hitepu ke totogi ai	Fuafuaga
K2	1:50 (ko nā FTTE ke fakatupega ai nā vāegapatino mō tamaiti)
K3	1:300 (ko nā FTTE fakatupega mo nā vāega patino mō tamaiti)
K4	1:6 (Fuafuaga o te K4 ki te K3)

**Vāega B: Ko te K2 ma te vāega ote fakatupega mō te taukilila lelei (management).** I te vāega tēnei, ko na tautuaga takitahi e fokotahi tana tino faigaluega mai te K2 e fakamanuiagia i na totogi iēnei ite K2 rate. E ieia ai foki te, fakatupega mō te taaukilaga e fau ke heti ai nā tautuaga e fakatupe fau ki nā FCH taki tahi ma e fuafua agai ki te lahi o te fakatupega FCH i nā piliota taki tahi. Ko te fakatupega e hē patino te totogiga, kae, ko ni fakatupega e apalai kehekehe ki nā faiākoga pāhi uma iē e ieia o lātou tiute ke taukilila ai ni matātā.

## Elemeni 3: Fakamateaga o te fakatupega e maua kui mai i te TSS

Kafai kua uma te galue o te Elemeni 1 na te 2 mō he tautuaga, e fakatū atu e mātou te fakatupega a te mālo o te TSS i nā piliota taki fa mahina ke fuafua agai ki nā hitepu iēnei.

- Hitepu 1. **Ko te fauga la o he totogi gatahi (fuafua ki te rate o na totogi a te KTCA ) mo na faiākoga FTTE** i loto o na tautuaga mo tenā piliota.
- Hitepu 2. **Fakalaina tutuha** te hene fakamanua o te FTTE ki te hene FTTE e tatau ke maua i he tautuaga. Ko tenei te galuegaga o te pahene o faiakoga pāhi i loto i he tautuaga.
- Hitepu 3. **Tahui te fuainumela o FTTEs** ke fakamatea ai na vāega e fakatupe-fakavāega<sup>1</sup> itula o tamaiti (aua he nai vaega o te fakatupega e foki mai e fakatupe ai na itula fehoahooni a te ECE e ieia nei). Ko tēnei vāega e fakaogā ai he vāega kua uma te heti ke fakamatea ai te levolo o nā fakatupega e faka-vāega (part-funding).
- Hitepu 4. **Fatele** te fakamanuiaga tau FTTE, e aofia ai te FTTEs na tahui, mai te galuega o te totogi mahani o faiākoga i na hitepu i luga, ke fau ai nā vāega o te taukilaga o nā tautuaga TSS e hē gafa ma faiākoga.

<sup>1</sup> Ko nā itula e fakavāega te fakatupega (part-funded) i tēnei vaitau ko nā itula fakatupe a te ECE – ko nā vāega iēnei e gafa ma te fakatupega o ni vāega tau fehoahooni ki te ECE mai te mālo. Ko nā itula e fakatupe uma (fully-funded) i tēnei vaitau e 20 Hours ECE Subsidy.

**Ko nā tahi fakatalalaga agai ki iēnei fakatū ei loto o te pepa kātoa mō na fakatalatalanoaga.**

Hitepu 5. **Fakamautinoaga o te fakatupega mō te taukikilaga** (kikila ki te Elemeni 2). Ko nā fakatupega foki mo nā vāega agai ki te taukikilaga e scale ki lalo ke fakamatea ai na itula e fakatupe-fakavaega, e ve ko te auala kua tākua mai i te Hitepu 3.

Ko te TSS e 'fakaogā uma' i te fakaikuga o te piliota fakatupe ke fakailoga ai nā kehekehega i te va o te fakatupega lava ma te fakatupega taumatemate (predictive advance funding). Ko te metotia lava tēnei e fakaogā nei ke hui ai nā fakatupega mō nā ākoga kāmata.

#### E vefea ona fakamautinoa te galuegaga o te totogi mahani e fakaogā ai te TSS i he tautuaga? (Hitepu 1)

Ko te Hitepu 1 i luga e manakomia ai te totogi mahani (fuafua ki te rate totogi a te KTCA) mo na tautuaga taki tahi. Ko te fakatū e hakili faituaga ki ni metotia e lua mō te filifiliga o te totogi e gatahi:

1. Fakatutuhaga o te totogi o faiākoga pāhi uma i loto o he tautuaga i he piliota e tuha ma te fa mahina. Ko tēnei vāega e fakatātia fua ki te FTTE e fakagalue ai nā faiākoga tautokatahi.
2. Ko te foki atu o te mafai ki nā tautuaga ke filifili pe ko tefea a lātou FTTE faiākoga e fakatupe fua ki te fakamanuiaga tau TSS. Ei te tautuaga te fitalia pe fia te fakatupega mo nā faiākoga FTTE tautokatahi e maua.

#### E vefea ona fakafetaui te FTTE a faiākoga ki te fakamanuiaga tau FTTE? (Hitepu 2)

Ko te fakatū e hakili faituaga ki ni metotia e lua mō te fakamautinoaga pe vefea ona fakatino e he tautuaga ana fakamanuiaga tau FTTE – ko tēnei heleni e taukikila ki te fuainumela (proportion) o faiākoga pāhi (e ve ko nā fakailoga kua fakatātia i te hihitemi nei e nā faiākoga pāhi)


1. Fakaogā te fuainumela kātoa o FTTE a faiākoga e fakagalulue i loto o te piliota e fakatupea kae e manakomia ke fakatulāfonogia mo nā ratio i nā itula uma mo tamaiti iē e fakatupe ma hē fakatupea.
2. Ka fakaogā nā taki o te 'faitauga o nā itula ote kaufaigaluega' ke fakatutuha ai ki nā itula o faiākoga ki nā itula o tamaiti ākoga – ko tēnei auala e faitau ai nā faiākoga pāhi e fakaogā ho i lō te vāega muamua. Ko te vāega tēnei e fakaogā e ia ni vāega e lahi atu o te FTTE ke fakaogā uma ai nā fakamanuiaga tau FTTE.

#### Te vāega ote fakatupega mō tagata lauaitele ki nā itula kua fakatupe-fakavāega (Hitepu 3 ma 5)

Hitepu 3 i loto o te fakatupega a te TSS e fakapakū ki lalo (scale down) te fakamanuiaga tau FTTE i he vāega. Ko tēnei vāega e fakamatea ai te hao a te mālo pe ko te hao lauaitele ki nā itula kua fakatupe-fakavāega (part-funded hours). Ko tēnei vāega nae iei lava, kae ko he pahene tāmau ko heki hetia lava. Ko te fika kua heti kiei tēnei vāega e afaina ai te vaeluaga o nā fakatupega uma ki nā TSS ma te OS. Ko te fakatupega kātoa e apalai ki nā tautuaga uma e tūtuha aua ko he fakavae matemate o tēnei fakatū. Ko ki mātou e fia fakatalatalanoa ni auala e lua ke apalai ai he hao lauaitele pe he hao mai te tokalahiga.

**Vāega A: He vāega kua heti fakapitoa e te mālo ki nā itula kua fakatupe-fakavāega.** E fakatū atu e ki mātou ke heti tēnei vāega i te 80% ma he 20% mai te private sector (fkt., mai na mātua)

**Vaega B: Fakamautuga ohe hao mai te private sector e tuha pe ko hea te totogi mahani mo faiākoga.** E fofōgia ai nā tahi vāega agai ki te hao mautū a te private sector e tuha pe ko hea te levolo gatahi o nā totogi o he tautuaga. Ko to na uiga, mō he fakatakitakiga, kafai te tau o nā totogi o faiākoga i he tautuaga e \$10 i te itula, e ono maua he hao e tuha ma te \$8, ko to na uiga e manakomia ke \$2 te hao mai te tautuaga/na mātua. Kafai ko te totogi o faiākoga i tēna tautuaga e hiki ki te \$20 i te itula e tuha pe ko tana FTTE fakamanuiaga e tūmau, e ono fakaauau te totogiga e te mālo he hao e tuha ma te \$18 kae ko te tautuāga tēna e fakauau te totogi tana hao taki \$2.



**Ko nā tahi fakatalaga agai ki iēnei fakatū ei loto o te pepa kātoa mō na fakatalatalanoaga.**


## Elemeni 4: Galuega o te Fakatupega Fakagaoioi

Ko te fakatū e ia fakatātia te OS ve he hao ki nā vāega tāua agai ki nā fakatupega kehe mō nā tautuaga tau ākoakoga ma te taukilaga lelei (care). E totogi i he rate kua heti taki itula mō nā tautuaga uma. Ko nā tautuaga e fakauau te fakafaigōfiega o te fakaogaga o nā fakatupega tau OS.

Te rate o te OS e fuafua ki te hene kātoa a te TSS e manakomia mō nā tautuaga uma. E mafua tēnei vāega ona ai ko te hiitemi fakatupe kātoa mō te TSS e galue muamua ma ko te vāega e totoe e fakaogā ke galue ai nā tau o te OS. Ko nā hetiga ki te TSS nae fakatalatalanoa atu muamua e heti i he auala e talafeagai mō he TSS fuaefa atu, ko nā rates la o nā fakatupega tau OS e maua e tatau ke heti ki lalo ifo ke taikole e ve kafai te TSS e taikole atu.

### Te fakaheaiga o te fakamatea ki te 'Lalo ote 2 tauhaga' ma '2 tauhaga ma ova ake'

Ko nā OS rates e hē matea ai nā rates o te 'lalo o te 2 tauhaga' ma '2 tauhaga ma ova ake' Ko te kehekehega o na rates o nā fakatupega ite hiitemi e iei ai na tuku ki loto ke fakamtea ai te kehekehega i te tau o te faiakoga pāhi mo na tautuaga ona ai ko te kehekehe o na ratio kua fakatulafonogia mo na tauhaga kehekehe. Ko te TSS e ia mātauā nā tupe kehekehe mō faiākoga e ono fakafano fuafua ki nā ratio kehekehe (ve ko te kehekehega ite fuainumela o faiākoga mō nā tauhaga kehekehe). E mafai ai ke haofia ko te OS ko he rate e fakatupe kātoa ma he rate e fakatupe faka-vāega.



### Ko nā afainaga o nā fakatupega ki nā tautuaga ona ai ko te fakatū ki he hiitemi fou

Ko te fakatū fou e hui ai nā fakatupega mahani a te mālo ki nā FCH taki tahi – i nā tahifakatakitakiga e taikole te fakatupega ki iētahi tautuaga i te itula ilō te hiitemi e iei ai. Ko nā tautuaga iēnei e manakomia ke hui te lātou metotia e fakatino ai nā galuega ke gafa ma tēnei huiga. Ko te fakatū fou, ma nā vāega e manakomia ke fakamaliegia o te fakatutuha o nā totogi, e fakamaeta nā limiti o te mafai o nā tautuaga ke fakafano ai a lātou fakatupega auā ko te TSS e tatau ke fakaogā mō nā totogi o faiākoga. Ko to na uiga, he fakatakitakiga, ko nā tautuaga ie koi fakatino nei a lātaou galuega i luga ake o nā levolo o nā ratio o faiākoga e manakomia ke mātau e lātou pe fakataikole te fuainumela o nā tino faigaluega pe kikila ki ni fakatupega i fafo atu o te TSS.

**Ko nā tahī fakamatālaga agai ki iēnei fakatū ei loto o te pepa kātoa mō na fakatalatalanoaga.**

## Fakatū – Nā tautuaga e mautū i nā fale

Ko te pepa tēnei e fakatū atu ai ni auala e lua ke fai hao ai ki te fakalelei atili o nā totogi mō nā coordinators e fakamautū i nā fale.

Ko te auala muamua (Vaega A) e fakatu tautahi ma toe tufatufa he vaega o te fakatupega fehoahoani fakaopoopo e iei ai mo na tautuaga e mautū i nā fale kui atu i he fakatupega fehoahoani fakaopoopo fou mō nā coordinators. Ko tēnei vāega e tai tutuha ma te auala a te TSS mō nā tautuaga tau ākoakoga ma te taukikilaga lelei. Ko te CSS e mafai oi oti oi fakafano ki nā totogi o nā coordinators. E fakatu atu e mātou he ratio o he coordinator fokotahi e galue ūumau fakatuha (FTE) ki te 50 o avanoa fakatupe mo tamaiti ākoga (e tutuha ma te 75,000 FCH ite tauhaga). Ko tonu uiga ko te CSS e fua kite FCH – a he tautuaga i lalo o te 75,000 FCH e maua na fakatupega mo he vaega o te FTE.

Ko te lua o auala (Vaega B) ke fakatutuha te hikitaga kua iei ki na fakamanuiaga fakaopoopo ke fakamatea ai te hikitaga i na tau o na coordinators. Ko te auala tēnei e talafeagai atu auā e tahi te hitepu totogi mō nā coordinators, e limiti ai te ono kehekehe o nā totogi mō nā coordinators i nā tautuaga kehekehe. E ve ko te auala muamua, ko te fuainumela o te fakatupega e fuafua ki te FCH.

### Mata i te hitepu taikole fea e tatau ai ona totogi nā coordinators?

I lalo o te Vāega A, e iei nā auala e tolu ki te hetiga o te hitepu totogi e faka kautū ke totogi ai nā coordinators. E fakamatea ai te takitaki mā nā tiute tau takitaki o nā coordinators. Ko nā mea iēnei:

1. Hitepu "K2" mai te KTCA
2. He hitepu patino i lalo ifo o te "K2" kae i luga mālie ake o te Hitepu 11 o te "K1" rate mai te KTCA
3. He hitepu patino ite Hitepu 11 o te "K1" rate mai te KTCA

Ko nā rate iēnei e totogi e tuha pe ko nia nā tuhi pāhi ma nā levolo o nā poto mahani e iei ai. Ko te fakatupega a te CSS e lahi mō te vāega taugatā (vāega 1), hohoko atu ai loa nā vāega 2 ma te 3.

### E vefea ona fakatino na itula tatau-he makalofia?

Ko autou fautuaga e hakili agai ki te lauaitele e mafai ke fakatupe ai nā coordinators kafai e tiute ki nā vāega tatau ma ē makalofia ma pe vefea ona heti he totogi e nā tautuaga ke totogi ai nā coordinators kafai kua fakatino ienei tiute. E fehoahoani tenei vāega ki te fakamautinoaga pe ko te CSS e i loto ai te fakatagaga mo nā fakatupega ki na vaega tatau-he makalofia (on call).

### E tatau ke iei na fakamanuiaga FTTE mō nā tino fakapitoa e iei ai nā managers?

Ko nā takitaki o nā coordinators o nā tautuaga fakamautū i nā fale e ono mafai ke aofia i loo i nā taumfaiga iēnei ke fakatutuha nā totogi. Ko he tahi hitepu tēnei mō te taukikila leleiga o nā tautuaga e hē fuafua ki nā tuhi pāhi pe ko te poto mahani. Ko te mātou kikila, ona ko nā kikilaga iēnei e faiatalanoa ai lava te tautuaga ma e tutuha ma nā totogi o nā takitaki i nā tahi ākoga kāmata, e hē tatau ai nā vāega iēnei ke fakatupea fakapitoa nā fakavae o lātou.

## E vēfea o na fai hō leo

E fautuaga ke faitau te pepa kātoa agai ki nā fakatalatalanoaga kae ko heki kaumaia ni au fautuaga pe ni faitioga agai ki iēnei fakatū. Ei loto uma ai nā tahi tuhituhiga ma nā fakamatalaga e hē tākua i tēnei kotokotoga.

Kafai e fia kaumai hau faitioga pe ni fautuaga agai ki ienei fakatu e mafai ke fakatumu hau pepa i te vteatea ite tātuhī <https://conversation.education.govt.nz/conversations/early-learning-pay-parity-funding-review>.

E mafai foki ke lafo ni au fakamatalaga tuhituhiga lauaitē ki te:

[ECE.PayParity@education.govt.nz](mailto:ECE.PayParity@education.govt.nz)

pe

ECE Totogi Gatahi  
Matāeke o Ākoakoga | Te Tāhuu o te Mātauranga  
PO Box 1666  
Ueligitone 6140

E manakomia e te Matāeke au fautuaga pe ni faitioga i te 11.59pm ite aho 23 o Me 2023.

**Ko nā tahi fakamatalaga agai ki iēnei fakatū ei loto o te pepa kātoa mō na fakatalatalanoaga.**